

CENTRALNA BANKA
BOSNE I HERCEGOVINE

Broj: UV-150-01-1- 13 /18 DM
Sarajevo, 09.03. 2018. godine

Na osnovu člana 69. stav (2) tačka c) i člana 70. st. (1), (3) i (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, a u vezi sa zaključkom Upravnog vijeća sa 3. sjednice od 28.02.2018. godine Upravno vijeće Centralne banke Bosne i Hercegovine donosi,

O D L U K U

o poništenju postupka javne nabavke usluga – održavanje aplikativnog softvera za lot 2 – održavanje MS aplikacija

Član 1.

(1) Ovom odlukom se poništava postupak javne nabavke usluga – održavanje aplikativnog softvera za lot 2 – održavanje MS aplikacija, procijenjene vrijednosti nabavke 32.051,00 KM.

(2) Postupak javne nabavke iz stava (1) ovog člana proveden je putem otvorenog postupka javne nabavke s više dobavljača, s namjerom zaključenja okvirnog sporazuma na tri godine.

Član 2.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke Bosne i Hercegovine.

Član 3.

Ova odluka će se objaviti na web stranici Centralne banke www.cbbh.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga – održavanje aplikativnog softvera za lot 2 – održavanje MS aplikacija, pokrenut je Odlukom, broj: UV-150-01-1-90/17 SM od 07.09.2017. godine. U skladu s tim, Centralna banka je dana 18.12.2017. godine na portalu Javnih nabavki objavila Obavještenje o nabavci broj: 1370-1-2-832-3-157/17, te je proveden Otvoreni postupak javne nabavke s više dobavljača u postupku nabavke usluga – održavanje aplikativnog softvera.

Tačkom 15. Tenderske dokumentacije za nabavku usluga – održavanje aplikativnog softvera, putem otvorenog postupka, određeno je:

„Ponuda, bez obzira na način dostavljanja, mora biti zaprimljena u ugovornom tijelu, na adresi Maršala Tita 25, 71000 Sarajevo, najkasnije do 10.01.2018. godine do 11.00 sati. Sve ponude zaprimljene nakon tog vremena su neblagovremene i kao takve, neotvorene će biti vraćene ponuđaču.“

Imajući u vidu činjenicu da su ponude ponuđača PING d.o.o. i QSS d.o.o. dostavljene dana 10.01.2018. godine u 11.45 sati, konstatovano je da navedene ponude nisu dostavljene u roku koji je određen u naprijed citiranoj odredbi, te su iste neotvorene dostavljene (vraćene) na adrese ovih ponuđača u prilogu akta broj: 150-15-4-159-2/18 DM od 12.01.2018. godine.

Ponuđač PING d.o.o. nakon zaprimanja svoje ponude natrag, uložio je žalbu na ovu procesnu radnju. Centralna banka je u zakonom propisanom roku donijela Zaključak, broj: 150-15-5-285-2/18 DM od 23.01.2018. godine kojim je predmetna žalba odbačena kao nedopuštena. Nakon isteka roka za žalbu, te nastupanja konačnosti donesenog zaključka, ova komisija je nastavila s radom i izvršila pregled i ocjenu pristiglih ponuda, koje su pristigle na vrijeme, odnosno do određenog roka u tački 15. Tenderske dokumentacije.

U ovom postupku javne nabavke, dakle za lot 2 – održavanje MS aplikacija, pristigle su dvije blagovremene i prihvatljive ponude sljedećih ponuđača: Grupa ponuđača IN2 d.o.o. i IN2 d.o.o. Sarajevo; te ponuda ponuđača Info studio d.o.o. Sarajevo.

Članom 32. stav (4) Zakona o javnim nabavkama, propisano je:

„Okvirni sporazum zaključuje se s više ponuđača za isti predmet nabavke i broj ponuđača s kojima se zaključuje okvirni sporazum ne može biti manji od tri, pod uslovom da postoji dovoljan broj ponuđača.“

Imajući u vidu činjenicu da je ovaj postupak proveden s namjerom zaključivanja okvirnog sporazuma s više ponuđača, te imajući u vidu činjenicu da za lot 2 nije došao dovoljan broj ponuda (najmanje tri ponude), a cijeneći odredbe naprijed citiranog člana i člana 69. stav (2) tačka c) Zakona o javnim nabavkama, Komisija je u svom zapisniku broj: 149-15-4-77-9/18 od 20.02.2018. godine konstatovala da je postupak za lot 2 – održavanje MS aplikacija, potrebno poništiti.

Cijeneći sve iznesene činjenice i stavove Komisije izražene u navedenom zapisniku i Izvještaju o radu komisije s preporukom, broj: 149-15-4-77-10/18 od 20.02.2018. godine, odlučeno je kao u dispozitivu.

Pouka o pravnom lijeku:

Protiv ove odluke može se uložiti žalba u pisanoj formi, Centralnoj banci, u roku od 10 dana od dana prijema odluke o izboru najpovoljnijeg ponuđača.

**Predsjedavajući
Upravnog vijeća Centralne banke
Bosne i Hercegovine**

**G U V E R N E R
dr. Senad Softić**



Dostaviti:

- Uredu guvernera
- viceguvernerima
- Uredu glavnog internog revizora
- sekretaru Uprave i Upravnog vijeća
- Odjeljenju za računovodstvo i finansije (original)
- Odjeljenju za bankarstvo (original)
- Odjeljenju za javne nabavke (original)
- Odjeljenje za informacione tehnologije
- Odjeljenju za ljudske resurse